

95.

Feldkirch, 1332 April 23.

Rudolf Kramer und seine Frau Katherina verkaufen dem Kloster St. Luzi zu Chur die «Gebraitun» und das Ried zu Bendorf.

Wir Ruedi¹ der Kramer² vnd Katherina Sin elichiu wirtinne künden vnd veriehen offenlich an disem / briefe daz wir mit guotem³ Rate. vnd mit guoter³ vorbetrachtunge. vnd mit verhengnüste aller vnser erben / haben geben ze koufen Recht vnd Redelich immer me ze rehtem aigen probst Cuonrat³ des Gotshus ze / sant Lucien⁴. vnd dem Conuent. vnd dem Gotshus ze Sant Lucien die Gebraitun ze Bendor⁵ diu gelegen ist / bi der Eschan⁶. diu vnser reht aigen was vnd daz Rictmat bi dem Rine⁷. vnd zwaz zuo³ der vorgenanten / gebraitun vnd Rictman⁸ gehoert⁹. vmb Nünzehen phunt phenninge. vnd vmb zehn Schillinge alles guoter³ vnd genemer / Costenzer münse der wir aller von dem vorgenanten probst vnd von dem Gotshus ze Sant Lucien gar / vnd gantzlich sien gewert vnd in vnsern redelichen nutz komen sint Wir. vnd vnser erben sont ouch / weren sin nach rehte des vorgenanten probstes. vnd des Conuents. vnd des Gotshus ze Sant Lucien vmb / daz vorgenanten guot³ swa si sin immer menotdirftig werdent an gaislichem vnd an weltlichem gerichte / Ich diu vorgenante Katherina vergih ouch an disem briefe daz ich diu vorgenanten gueter¹ han vf geben / Reht vnd Redelichen mit walthers hant des hanen¹⁰ der des tags min rechter vogt was do dis geschach / Vnd ze ainer offen warhait diser vorgeschriben dinge vnd gedinge so an disem briefe geschriben sint so / geben wir die vorgenanten Ruedi¹ der kramer. vnd katherina sin Elichiu wirtinne. Dem vorgeschriben / probst Cuonrat³. vnd dem Conuent. vnd dem Gotshus ze sant Lucien. Disen brief besigelt mit amman kra-/phen Jnsigel. vnd mit walthers des hanen Jnsigel vnd binden vns dar vnder stete ze habenne vnd ze la-/isten alles daz. daz an disem briefe geschriben stat. Wir die vorgenanten. Ruodolf³ Kraphe stat- amman ze / velchirch. vnd walther der Han. veriehen ouch daz wir disen brief besigelt haben mit vnsern Jnsigeln vnd / haben daz getan durch der vorgenanten Ruedins¹ des Cramers. vnd katherinun siner elichen wirtinne / bette willen. Ditz be-